

BAPHATLALATŠI BA DITABA: TSHEDIMOŠO E MPSHA KA GA SETERAEKE SEO SE TŠWELAGO PELE KA SARS

Tshwane, 27 Julae 2022 – Ditirelo tša Motšhelo tša Afrika Borwa (SARS) di dula di ikgafetše go rarolla mathata a megwanto yeo e tšwetšwago pele le mekgatlo ya bašomi. Bjale ka ge go tlhalošitšwe mankgapele, SARS ga e itirele tekanyetšo ya yona ya ditšhelete, eupša e itshephile kabelo ya ditšhelete go tšwa go Kgoro ya Matlotlo a Bosetšhaba. Ke ka lebaka le gore SARS e thomiše ditherišano le maloko a yona a mekgatlo ya bašomi.

Morago ga go rerišana le mekgatlo ya bašomi, SARS e file tšhišinyo ya go fihlelela tumelano go ya ka melawana yeo e latelago:

i) Koketšo go bohle ya 1.5% bakeng sa bašomi ba go thwalwa ruri ka go yuniti ya dingangišano, ka ditefelo tša go tloga morago go tloga ka la 1 Aprele 2022.

ii) Tšeo di laeditšwego ka godimo di tla direga ge fela:

a. Ge ditherišano tša sektara ya setšhaba ka kakaretšo di ka rarollwa ka tekanyo ya ka godimo ga 1.5%, Kgoro ya Matlotlo a Setšhaba e tla fana ka sekhwama sa tlaleletšo bakeng sa tumelano ya tefelo;

b. SARS e tla tlahlwa ke se, gomme ya beakanyaleswa neo ya yona go bašomi ba yona gore go gatwe ka mošito o tee;

iii) Boitlamo bja go rerišana le go phethagatša tše di latelago ka go Foramo ya Dingangišano ya Bosetšhaba ya SARS (NBF):

a. Tšhišinyo ya Boleng Bja Mongmošomo, yeo e akaretšago dielemente tša ditšhelete le tšeo e sego tša ditšhelete;

b. dilo tše dingwe tšeo di ngwetšwego ke diyunione ka nako ya ditherišano.

Tšhišinyo ya peakanyoleswa e nnyane go bohle e a kgonega ka lebaka la dipolokelo tšeo di dirilwego ke tiego ya khiri kgatlhanong le leano la pele. Ka moya wa go šoma pepeneneng le boitlamo bja go rarolla ngangišano, Balaodi ba SARS ba phethile go abela dipolokelo go tšhišinyo ya koketšo ya megolo.

Mekgatlo e dumetše gore diyunione di tšwelepele ka tshepetšo ya go nyakana le tagafara ka ga neelo ye. Seteraeke se fegilwe ke *Public Servants Association* (PSA) nakong ya tshepetšo ya go nyakana le tagafara, mola *NEHAWU* e boletše le SARS semmušo ka ga maikemišetšo a yona.

SARS e lemogile ka pelaelo ditiragalo tše mmalwa tša go arogana tša matšhošetši le merusu yeo e dirilwego ke ba bangwe ba go teraeka, gomme e tlo tšea magato kgatlhanong le batereki bao ba tlotšego Molao wa Maitshwaro, le/goba bao ba tshetšego molao.

SARS e tiišetša boitlamo bja yona bja go hlompha ditokelo tša bašomi tša go teraeka Batereki ba thekgwa ke dipeelo tša molao wa bašomi wa go diriša tokelo ye ka kgotso, le go hlompha ditokelo tša bašomi go kgetha mošomo, gammogo le balefela motšhelo bao ba nyakago go phethagatša boitlamo bja bona go ya ka molao.

SARS e beakantše magato a go thibela kamano mpe ya ditirelo ka mo go kgonegago. Re leboga balefela motšhelo bakeng sa go se fele pelo mo sebakeng se, gomme re kgopela tshwarelo bakeng sa tiego efe goba efe ya go dikgopelo tša ditirelo. Re kgopela gore balefela motšhelo le bagwebi, ba leke ka maatla go efoga go tla makaleng a SARS, eupša ba tšwelepele go ikgokanya le SARS ka dikanale tša ditšithale tša go itirela. Tshepetšo ya dithoto go tloga nageng le mabopong a lewatile e phethagetše ntle le ditšhitišo dife le dife.

SARS e dula e kwelabohloko ma Afrika Borwa a mantši, go akaretša bašomi ba rena, bao ba katanago le maemo a thata a ekonomi le theko ya godimo ya dijo le makhura a dinamelwa. Re tloga re leboga bašomi ba SARS bao, mo sebakeng se, ba kgathago tema go katlego ya rena, gape le boitlamo bja go ya go ile bja go fana ka ditirelo tše bohlokwa tša go thekga tagafara ya rena.

Go hwetša tshedimošo enngwe, ikgokaganye le SarsMedia@sars.gov.za